

勉
行
堂
詩
集

勉行堂詩集卷之十一

古歛 程晉芳 魚門

拜書亭後藥下

趙戊寅盡
巳卯三月

樂府二十首

井序

唐初樂府大率準古人繩尺青蓮少陵輩出始立新
題馳騁橫縱元白張王繼起采古曲運已意雖音節
少異要之不愧風雅余暇日偶有所觸得二十章題
雜新舊體兼倣效用以抒寫積懷未堪與前修頡頏
也

慈鳥引

秋林影薄風葉斜
雛鳥繞樹聲啞啞
低張兩翼向田畝
望巢背日如歸家
口中青稂雜赤粒
吐向巢中不遑食
老鳥毛稀頂全

禿力薄氣衰飛不得引吭啄粒顧小雛雛復接口哺老鳥竦身却負出巢裏引近寒溪飲溪水勞勞未必解酬恩但覺微心難自己夜深子母相傍眠祇愁霜重壓巢偏飢鷹下視不攫害側翅排雲去天外

送遠操

池龍在天鳥升翼人生那得長安宅雜花茸茸照綺陌送君萬里爲單客知君此行非得已楚笛當筵淚如水關山有路非難行無奈今爲第一程在家瞋喜隨所屬此去人情有生熟安心善飯倚僮僕慎勿懷鄉增感觸親朋慷慨勗君去臨別踟躕悵回顧願君歸期及素秋宜車宜馬復宜舟離腸九迴春不管渭城城南柳條短

寒女詞

寒女機絲白於雪，鳴機軋軋隔窗戶。
織成峽綫相並飛，東家女兒作嫁衣。
阿母房中悲自語，貧家有女歸無主。
女與再拜阿母前，渠儂不羨妝鏡圓。
朝花榮榮暮辭樹，人生轉眼無新故。
願教歲歲勤織絲，心如明燭影隨母。
世上男兒例輕薄，不分因人爲苦樂。

對酒詞

南州杏海摧高柯，蓬萊水淺塵如波。
涓涓細溜成江河，鳬仙遺冢高峩嵒。
涅槃佛語理則那，百年萬劫相搓磨。
有酒澹澹盈紅螺，欲飲四顧如愁何。
客前致詞主人喜，勿貧勿富宜孫子。
竹木盈庭雜圖史，白首無成老鄉里。

塞上曲

鐵衣瑣瑣生古花，霜凝塹靜鳴哀笳。
將軍撤帳閑兵去，馬蹄簇

簇騰雲霧塞垣尙有春楊柳北望驚沙漫層阜占時頻看月過
弦臂強拓盡弓力圓昨日同袍新戰死淚枯磧下收遺骸沙場
馬革恒如斯不暇長愁且歡喜家人書至問當歸令嚴冠誓無
定期歸時妻孥告貧實不如老作邊城土

短歌行

中原不近塞不遠從人生處分疆畛海南遍看隱界星西北矜
誇老人顯舉頭日月不可攀晝夜潛從腳根轉火食食炭如食
雪潛鱗只道冰窟暖莊生嘲惠荀刺孟賢哲由來互長短雁眉
所歷多苦辛殤子且得全天眞短歌行笑失聲

貧士吟

貧士貧無一長物老屋欹斜風雨窟兒無禪襦索梨栗婦無膏
油斷梳櫛長安有路懶上書要令出處同古儒當門卧柳煙薄

薄倚牆挾策意自若朝餐夕炊不自給却哂他家事者樂行行
雪中履後穿寧甘指笑弗受憐東郊一夜新桃李先生感春吟
不已

賣花唱

洛陽春多花事早賣花人向花中老浪浪夜雨曉乍晴街頭巷
側都有聲壓擔連筐紛簇簇繁枝却用青條束朱門愛素復愛
奇貧家偏與紅紫宜女郎聞聲出門外未及論錢先取戴耕桃
如色柳如瘦那得韶顏久長在一番春信一番花牡丹芳後芍
藥芽日日供人賞新樣自家瓶鉢無花養

塞下曲

長城彎彎偃月形懷家插幟屯邊兵羌人遙望兩走馬垂鞭擊
鐙鳴鳴聲八月天寒裏裘卧一夜雪花如席大曉來四野白瀾

漫埋著穹廬圓箇箇塵飛一騎天使來後車茶布紛成堆低頭
舉手仰大國孰敢有意同狼豺留犁試酒碧浮蟻馬運三番釀
酸美室中婦豎勿柴捐明年
翠罕行邊鄙持獻大家作歡喜

失釵怨

寶釵銜珠明瑟瑟上有雙鸞纍絲密雕鏤年月作細字曾結同
心爲信質朝來女伴邀同去相攜直到花深處蘭膏滑膩墜不
知夕妝對鏡中始疑紅燈自持尋近遠闌干曲曲苔陰轉逕微
心怯有時立綠露團團著衣濕繁枝上窮下纖草驚起塘邊夜
棲鳥勿言改製價值微稟砧恩意重當時掩閨不眠淚如霰他
日何顏與君見

雁飛操

雁飛莫向斑竹林桃弓射汝刺骨深雁飛莫近澄水湖漁人網
禽如網魚噉噉雪中念儻侶木九抨響行及汝雁飛雁飛將如
何蕭湘水澗菰米多楓根搖搖荻花冷蒼鷺白鷺鳴相引斜風
密而交翅頸睡足涼煙看秋暝

精衛詞

刑天娛樂舞干戚精衛填海終何益豐柯銜盡高嶺平海中日
日風浪生毛摧頂禿不自惜上帝垂鑒知我誠孰言身死子堪
繼願及生存酬此志歲時綏綏心力長崇波有日爲高岡鄧林
失杖走夸父精衛於今猶笑汝

張樂謠

海西毯子紅結心十圍繡燭搖明金主人識曲精七音延賓張
樂達夜深急聲引長慢聲止換拍選腔俱合理不恨他時樂少

年須記教成從我始珠衣一領值千萬舞隊流光生顧盼當場
酷肖古人情一時坐客移欣怨銅爐爐短炭更加鼓聲催醒未
綻花但覺元顏熏酒暖不知月墮牆陰斜客欲言旋主稱緩更
唱新詞翻促管夏日不長冬夜短人生快意何時滿

驕旅吟

秋燈搖搖紅挂壁車鈴作聲催旅客玉衡星轉天未明蹇牖戀
棧懶不行山崖重重水繞繞但得天晴不憚早興人撲鞭緩唱
歌草間蟲語霜露多長安到時取富貴富貴未成顏色悴家書
接得不遽開當頭先看平安字主人溫慰中更悲在家骨肉無
此辭牆陰樹梢葉半缺缺處迴環見圓月可中春及早還家木
蘭看作當門花

獨樹吟

江臯老樹橫青樞一苞兩苞時放花行人繫馬一俯仰夜靜月
明維古槎昔年吏士栽官樹疏整行行準程度崇桃苦李相後
先勢密不嫌風雨如年移禁馳群木盡獨立悽悽烟泯泯巢禽
占盡南北枝蠹蟲穴根根半墮灘頭土虛岸傾圯側身倒映橫
波裏居民却道有靈怪日賽樹神來下拜

古碑歎

古碑剝落無年月蟲鼠猶存雙紐缺雨淋日炙苔色暗橋南水
次當堤列摩挲斑駁認句讀似頌勲勞勵風節載稽史冊失名
氏或恐諛詞寡真切上橫篆體類垂乳後有短銘文特古置山
沈水復何如不若人心能記取昨日繩穿城北移棱棱沙鐵相
磨治樹陰朦朧隧道直看取豪家重立石

織婦詞

織衣寄遠人遠道塵浩浩梭鳴閨裏風氣酸霜落征人身上早
少年輕薄耽遠遊料應做盡黑貂裘不辭并日苦身手生恐到
遲時節後近來花樣爭新奇疏竹子團團芝生絲不用跳絲
去看取中間細心處織成開篋理線鍼棄花格子涼影深剪刀
響落機頭斷對葉當花不相亂舊時尺寸嫌太長短裁令稱單
急裝辛勤織紉與君著去向紅樓多處樂

巢燕行

堂前燕去年此地長相見秋社飄零記送歸無端暮雨又斜暉
春來繞梁尋故壘凍雪猶封丹杏蕊銜枝葺壘旋補泥勢高影
疾身向低豈無他家新屋宇爲惜從前此辛苦謀安謀食語喃
喃一雙翠色穿入簾主人年來罷歌管夜樓不驚巢更暖

田家賽神

去年麥爛桑葉稀室中兒子恒啼餓官家村賑粟米不若豐
收足歡喜今年小雪微有雪眼見麥苗青茁茁老翁歛錢聚少
年紛紛佞舞來神前村樂無文打秧鼓低頭羅拜雜婦女土蔬
掩豆酒味枯神聰神直憐我愚願教牛不生蟲蠶不疫明年薦
汝子鵝炙

空倉雀

空倉雀頭斑斑尾趙趙蒿下飛飛草間啄官家曬穀守吏驅偷
尋殘粒飽爾軀一朝倉廢移他所雀飛不離故巢處瓦花絡角
新露稀俯仰撮拾充朝饑那知新倉雀爭聚脂肥羽滿翔高樹
幾時此地重置倉爾雀引雛欺鳳凰

次韻陳直方見贈卽送南歸

草草相逢袂遽分人中淳粹比崔群一編綠字欣初覩三歎朱

絃久不聞春雨太繁憐作客梅花正好未留君江南故舊知垂
憶爲道沈吟對楚雲

漢銅印歌和華澹園

華君示我漢印歌氣出唱已翻江河蠲蠶爲龍軒大波奇相突
出排蛟螭珠林蠟木交遠柯壁光四照芙蓉茄結繩稽古繩偏
頗厥後細密非煩苛都鄙國節旌羽娑牙璋阻圭比戟戈漢興
承嬴蔑姬科刻符佩璽垂環綯高卑秩祿印是職鄉官亭吏何
其多周知民隱察惡怙侯王奪予戒謾訖以此收衆若鳥回流
傳年久紛赤莎圭刀作方圓角搓跌龜立鶴高岌我後來仿像
用切磋屈鐵橫軼除娒嬰吾兄荔江喜蒐羅力致千篆勤拂掌
或完以好或齷齪質堅切重字不磨紫蘭著花風翠蘿對此勒
諸庭之阿芝泥紅深映面醅弄藏石匣青綾綯何年此物辭淮

渦盧公嗜古職轉鹺千金購價同瑤瑳騎驢惠子來經過偏旁
考證隸與蚪華君瞥見屢舞僂沈郎好奇雙鬢暗夜闌開篋競
搗摩但恐旭日出頃俄滿紙錯落呈坡陀如碁連陣車接軻各
懷一本戰以呵我初見之淚雨沱昔從阿兄吟澗適齋頭法物
陳尊犧雅甕爛嫺官汝哥丹青唐馬帖晉鵝此印在旁供纓覩
兄爲碧雲歸碧窩歲月一擲騰輕梭忍對故譜閒吟哦華君目
動手斤訶髯乎所見誠爽蹉汾陰大鼎移朝那石鼓裝載數駱
駝爽鳩齊樂歸田和況此微物誠么腐曷不悟徹提多迦攜歸
烟澤披漁蓑石徑犂确催疲騾護持肯使離衣韉雪鴻指爪窺
雪坡摹畫大字擘鵲窠倚倉楮籀探星娥貧人得此餐嘉禾子
雖感激如予何

白華谿曲看垂絲海棠同楊鏌堂家尊江姪澗亭過亭作

春光欲暮如酒濃海棠簇簇矜韶容粉欄一曲砌一角花枝低
亞葉下從色深欲破晚烟罩質煖不待朝陽烘細梅野杏競芳
艷凍蕊未免經嚴冬化機到此不藏蓄繁絲密縷呈天工空庭
樹石闕幽峭宜人偏是能嬌慵成都放顛數陸子定惠把酒傳
坡翁吾儕狂發興不淺筆陣那復慚凡庸品題名稱列芳炬邀
約來往隨園蜂不愁雲重度疏雨折枝圖取歸屏風

春往白沙經九龍橋覆舟處次丁丑十月韻三首

停橈認取舊征程記得舟從子夜傾怨魄定悲殘月冷謂舟人
晴波如對故人清由來習險宜思險自此餘生祇倖生到岸拙
帆渾不易每因閱歷愴難平

碧灣飛渡駕輕艫回首安危境異同縱望魚龍逃罟網傷弦鳥
鳥怯鳴弓攬春堤柳迎新霽得意舟人說好風占夢夢中成一

笑微雲何礙綴高空

夜永號聲萬木哀重來暖序改寒推千金垂誠徒諄復一擲浮生信往迴馬齒敬陳新誓語時將省墓椒觴遙酌古騷才風濤穩便還知警破浪真輸作楫材

李情田移寓街西以詩贈

街南巷北縱飄蓬越鳥何心戀楚叢十口累人無遠計小樓聽雨又西風清機試檢琅函秘散序初傳舊拍工四載比隣餘悵望夜談閒殺一燈紅

慰離使雅雨盧公失子

瓊樹無端折一枝溫言難釋此中悲曾傳秘笈三冬業已是神駒萬里姿浮世彭殤皆幻理晚春風雨又經時清詩濁酒聊須遣磊磊珠光况繞墀

題汪春浦平山泛雪圖

去年冬大寒飛雪灑千里鍵關下垂簾僵凍卧不起摧頽蒼竹
根噤斷黃鵠觜安能睹晴曦一照萬山紫春回氣融融擁棹適
邗水吾友春浦君捧袂問居止披圖示昨遊指點蜀岡趾淮陰
去廣陵水程一日耳余方縮菌蠢君適發興始豪懦難共論雅
俗辨尺咫卓哉蔣中翰下筆挾天髓點染高下峯草樹微皴靡
如聞冰瑋縱響徹舵樓底皎然發光明身在玉壺裏生平愛游
歷野性逐麋鹿昨覆鑾江舟餘命乞龍子以茲倦登臨氣索類
寒餒恒願爲北人鞍馬時習倚知君壯往志破浪戲煙海況此
近郊游罕卅出葭葦談虎易色變見獵敢心喜還君泛雪圖珍
栗慄生體

聞李芋圃太史將南歸先以詩寄

空山猿鶴久驚疑聞道歸程有近期閣上故螢窺舊卷水邊輕
棹趁花時重聽菰葉鳴秋雨記向蕭湖唱柳枝十五年來倦游
宦鄉人驗取鬢邊絲

有懷儲丈茗坡

廣文官冷局單微得遂清狂未覺非拾橡有時呼僕去看山無
處不雲飛兒能誦讀差娛老友問行藏幸免饑三十六峯吾故
里把竿何日共漁磯

邵伯舟中

淮波與湖水祇隔一長隄沙鳥移家易漁帆對面低新工勞板
築宿麥起耕犁冉冉斜陽隱澄霞古驛西

歸舟漫成

蒲帆懸十幅風水激成聲浦女歌春苧村船賣野櫻攤書消永

晝見月到深更行役年來慣還家不計程

慰萼江九兄失孫

森然嘉樹繞階楹何意芳蓀墜曉英令子抑悲期釋感故人交
歎勸忘情中宵執燭陳書坐小圃攜嬰奉杖行處處回頭莫深
憶鬢邊絲雪已多莖

哭女綴

中春失一女中夏失一女前女病成癲後女纔學語人情憐稚
小況復秀眉嫵伊母適姪身投地類春杵悽詞相勸勉我淚旋
如雨頻年歷艱辛憂緒不可數晚風庭戶暗寂境傷宴處絮絮
雛燕聲明燈翳還吐

多年不宜男黃土埋白玉謂言女差勝刻意勤養鞠翻緣嬌愛
深惟此種種酷旁人咎醫藥復道失寒燠鳩巢本自拙蕙折毋

乃速誠知化生理殤壽同一局况年未衰顏秋實冀成熟卽境
難遽歡俯仰動振觸茫茫暮雨來漏點助新哭

長女嫁有期行將奩具送自茲朝暮間色笑孰參其徒懷後福
至詎減清愁重曉猿啼一聲孤月警圓夢惟將達人喻釋此片
時勸逍遙托遐情餘事付吟諷

題王蘭泉舍人三泖漁莊圖

鱗波交映帶樹老護閑居涼氣通圓泖流颺到野蔬鶴眠新
鴈地客借秘抄書盡日垂竿坐幽懷不在魚
京華冠蓋地何似水雲居入畫憐深竹當杯憶晚蔬秋船繫斜
浦田叟話鄉書紅樓籬邊夢時時看打魚

夏寒三首

炎官何事久藏威六月輕寒透竹扉幾見奇峯雲突兀卽看疏

陳雨霏微西疇候變禾苗減小院陰多草莢肥不分乘鸞秦女
扇及時還復懶相揮

澤國蒼茫饒水氣祝融風調太高寒荔牆過日翠光澹槐市鳴
蟬綠韻酸拂簾尙嫌湘竹冷語冰誰道夏蟲難野人未解占時
歲且喜清涼病少安

碧瓜朱李漿盈筐傳語家人幸少嘗坐向閑亭少蠅蚋開來故
篋檢巾裳鵲爐不厭零星火蓉浦偏憐索莫香揮汗轉防秋後
熱踏冰應似少陵狂

喜芋圃至卽送南歸二首

潞河聞道久拏舟度牖偏經兩月留失喜故交舒望眼驚人新
句到書樓宦成念爾仍寒士市隱憐余改黑頭看取珠湖十年
樹短枝都已拂雲稠

歸去蓉湖孟濱邊居然無恙古林泉
菱田葉戰風侵袂藕蕩花深月滿船
兄弟自成書畫侶鷺鷥閒共水雲天
淮陰地近寧傷別祇恐來遲遂隔年

魚樂圖爲吳丈山夫賦

五載春明策蹇驢烏篷船小旋遊吳
而今却渡濠梁去自寫觀魚第一圖

九道晴虹拂練光荇風交處翠鱗翔
先生罷眺暉無事背手穿雲過石梁

石根巉峭樹扶疏秋水茫茫浸碧虛
莫道會心人獨少我知子樂子知魚

早秋放舟蕭湖作

至人內葆已不慮外物侵伊余昧道
要埃壒寧久任得暇引遐

曉鑿水開煩襟搖搖櫂頭船爭入葭葦深暑氣未全歛湖面涼
悄悄雲衣起暮色蟬語明秋心初月光闌寥林影生微陰漁歌
雜菱唱結響無凡音始知人境外隨處堪幽尋胡寧類狗繫役
役馴至今

挽李情田

翩翩裘馬記當年老整衰容對綺筵黯澹巾裳從酒污纏綿歌
曲傍花妍每聽絮語連長夜旋見沈吟出短篇今日撫棺成怛
化但思談笑已潸然

一闌淮陰古市塵蕭蕭客鬢點霜新香凝雪北逢僧侶夢到江
南失好春弱息可能諳禮法殘書猶自見精神撫孤欲報平生
諾莫賤儒冠畏食貧

題趙叟深柳讀書圖

垂柳覆澄溪溪光靜如練江南三月暮烟景隨時變樹深交密
蔭草毳緣芳甸落落小桃紅東風弄晴綉伊人抱書坐流目姿
循玩意得忘近情禽幽送微囀何煩搜逸境卽此有餘善倦輒
枕書眠拂衣飛絮亂

園丁送晚荷賦三絕句

木犀開遍拒霜紅景到秋深判澹濃偏是園公惜時候翠衣擎
出水芙蓉

小港炎風記泊船千枝勾露月橫天西堂不厭秋光冷一種嬌
香半偈禪

膽銅除却時新供爲惜開遲意倍珍一桁水簾經夜雨看他風
貌越精神

秋中得一女客來賀者詩以謝之

經時茹嘆失雙雌又見香橫女字枝且祝長庚宜福命敢嫌中
歲少男兒天教翻覆同償博人爲躊躇感落其秋桂滿園湯餅
熟呱呱聲裏一軒眉

從來少得皆天幸生女生男豈異看比似三山覓珍果何如終
畝種幽蘭強顏賀客陳溫語多難浮生有近歡懷抱卽今添好
物不應徒恃酒杯寬

題花蕊夫人小像

眉間不著纖纖恨應是承恩國未亡好片摩訶池上月繡簾低
揭水風涼

多少畫圖心事在此身還入畫圖中蜀王離畔啼鶯曉誰唱遺
詩問故宮

朝天髻擁宿妝殘龍腦香清扇影寒閑夢君王金彈子又摧燐

羽落雕欄

後徐前費名相亞至竟才華屬後來誰寫江南小花蕊別離歌裏一興哀

寒夜觀劇三首

滿目悲欣逐境移錦韞瑜暖夜寒時江南小令徵桃葉塞北晴
霜怨柳枝扇底生香來緩緩簷前缺月去遲遲只須閱盡繁華
相莫遣無端唱別離

紫瓦鱗鱗暗結霜深春依約在華堂花因羯鼓催頻發隊似秋
雲澹作行顧曲不嫌徵酒緩掃眉偏許訴愁長分明暮柳無煙
絮又逐西風一夕狂

稱妮吳兒髮覆肩兩褶裁錦少妝妍漏長不敵繁音緩舞急偏
隨減字圓總向虛無徵故實翻教哀樂起中年華嚴富貴吾差

解笑空山芋火禪

小除日以銅官山筍盆梅送鑑堂東詩三首

貧子畏殘年豪家逐新歲紛然同一俗形植神已敝
唐東有一翁不醒亦不醉白眼玩年華蒼枿共身世時時憐故交束縛困
塵事馳我雲外箋附彼青鳥使在濁幸不緇守已得無累春風
來優柔與子接游袂

荆溪儲長源詩筆最寒瘦凜冽生水華空濛濛群岫窮冬涉長
淮衣敝面皴皴山筍載盈筐屢買用不售因之馳贈君厥包比
橘柚迢迢離墨峯產材特幽茂老籜生龍孫不待怒雷闕雪霜
與滋榮人口訝鬆秀想當亟燒煮松火爛晴晝遠屋白雲多頽
顏付清酌

江南尙盆梅剪刷絕精巧棕絲與纏絡不使自舒矯疊石島嶼

迴折枝風縹緲天機良已傷亦足供玩好之子愛初禪澹若野
梅縞此種最嬌紅相對免枯槁古竈護新泥雅態發奇藻孤山
千萬株昨夢定環繞蓬室迴春姿花光映溪老

題新安汪氏水香園卅子三十韻

杜老詩中句王維畫裏人阮溪流澹蕩連阜碧嶙峋刁氏園相
亞龐公興最新曲欄迴倦柳芳榭敞初春沙尾眠晴鷺波心躍
隱鱗嵐光圍小閣翠色映諸隣祖德堪遙溯名區緬夙因選奇
康樂癖高蹈倕佺倫書載卿嬪秘琴安結綠珍誅茅編素杙伐
樹展長闌疊石山爭秀栽松地不貧樵風生別澗桐蔭待垂綸
覓句詩千首銜觴酒數巡水煙凝暮靄蘭氣動蕭晨流轉仍孫
子樓遲遠俗塵高槐更舊業老竹護新筠酷愛庭梅古相看野
意親枝枝分雪色一一伴閑身檢點前賢事流連宿景頻全家

食甘井十畝樂天民溪女來挑菜山童競采蓴柴門迎月小
薛徑積花勻簾卷霞根雨峯懸黛脚皺雲輕閑拂枕泉冷靜拖紳
算弈凭烏几支筇岸角巾避人翔鳳子繞架集蜂臣繪畫徵題
詠披圖愜討論山川故鄉好心性老農醇短棹吾將隱前溪擬
問津鍊丹臺咫尺三宿訪樓真

許丈耦生示秋林詩意圖爲作長歌用家瀝亭姪韻

生平吟癖同秋蟪但恨唱和無松陵蕪城許丈最稱許謂有可
好無可憎長箋投贈發雄響牛鐸土鼓遙相應尤耽畫裏寓詩
意妙諦默契吾何曾爬搔苦思效賈島訕訕劣句防來鵬卽看
粉本工位置清氣淨掃塵煙膏書堂涼月白於紙橘林密處明
宵燈紛紛墜葉若飛雨吟懷到此應潛增念君才高齒云暮霜
雪兩鬢垂鬢鬢覆蕉失鹿悟身世坎坷不用嘲天夢愛詩酷似

嚼山水深巖峭壑窮攀登時從象罔出奇句松風落澗敲寒冰
我雖識字苦拘拙吟詠畧解非真能丹青畦畛稍涉獵未到深
處難誇矜况當塵事坐勞攘跛雖能履漸行騰摩娑恐污寒具
手歎羨欲荷父魚曾遐思襖被就君住溪山勝概閑評徵懸淙
千丈墜瀟灑晴嶽萬疊開峻嶒定期世外結游侶又見畫裏添
詩朋俗流復恐駭高致亟藏卷子毋傳謄

鑑堂老友所奉定盜觀音囑作長歌

巉峭補陀石的皦千花妍聞思大士衣袒偏威容廣大不可擬
何乃肖像歸陶甄定州琢紅磁獨此矜天然工人浣手取埏埴
無燄火炙冰花磚真身彷彿降塵世明燈繡幙爲周旋歷祀幾
八百切燼澆寒泉破門野剝袁江邊老僧敲鐘索施錢石案蒼
鼠竄古貌蛛絲纏鑑堂老子倏取旃眼明法界開清蹕斗室銅

乳爐漠漠含清煙一瓶一鉢位置好華嚴雜誦當其前峭然孤
光躍照見心地圓雪飛霜泚泚湧出異色蓮天人示現無定處
名士結習工逃禪普門遺畫今不傳羅漢押綱吁可憐此像滅
度知何年聊爲子參來去緣文字贊誦皆枝駢

易松滋招集抱山堂分得寒韻

社前雨霽尙輕寒徵逐朋儕罄古歡苔壁故香吟蠹紙露畦新
翠上春盤人憐小別移燈語時持齋學士赴都
穀原主事將南歸砌有名花倚醉
看等是蕪城老流寓百年心事共漁竿

邗上送楊鑑堂游楚中

忽忽淮南久滯留送君却放漢陽舟三春旅思晴飛絮六月江
風冷御裘但遇名山頻酌酒莫同騷客又悲秋老容尙健吟情
好忍說茲行匪壯遊

送蔣秋涇之咸陽

經旬邗上住送子適關中春事行將晚離觴惜未同野碑尋漢
蹟新句有秦風愿結江鄉夢涼煙拂短蓬

廣陵送春

客中經夜雨春去廣陵城飛絮無留影傳歌有慢聲叢殘花意
態牢落酒心情亦擬尋歸棹東風不待行

勉行堂詩集卷之十二

古歛

程晉芳

魚門

涉江前集

起巳卯四月
盡辛巳四月

寄懷蔣星巖舍人

延綠旗亭判袂初清和節候軫離居橫琴夕院攬通月奉母朝
翼又典書身世相看成泛梗討論何日共精廬三時擬傍焦崑
住十斛煩襟倩掃除

郭璞墓

石塚多年說葬師舟人指點重然疑不隨王氏淮流滅也繫羊
公峴首思荷鋪埋身慙曠達臨江讀賦歎瑰奇暨陽故壠傳青
史是否岩巖類昔時

閏六月一日作

繞砌苔痕滿幽吟獨此身花光迎閨夏客況閱三旬散髮依涼
樹看帆度遠津行將秣陵去鹿鹿飽風塵

儲石亭過訪卽送過江

冷暖邇江地何因久滯留詩隨貧愈健人與歲俱秋步履來山
寺看花倚石樓晚烟帆色靜乘月俯清流

僧院鳳仙花開漫成

書帶離披間鹿蔥又看金鳳遍牆東多情夕照分餘艷有信秋
風到小叢佛地花皆呈幻采旅人懷每托諸空畧憑綺語相排
遣休傍書帷盡意紅

題金山寺浮圖

何年鼇背此飛騰彈壓還資佛力能環檻大江浮四面盪胷孤
月湧千層雲煙捧袂疑鸞舉鈴鐸從風語廢興且欲攀登最高

頂不煩陪從謝山僧

華髮二十韻

華髮來何早年纔四十餘已知心血減兼訝鬢毛疏少日虞難
老今茲緬最初長簪安小髻翠額俯元裾上學人爭羨對齡景
正舒匆匆成壯大鹿鹿負居諸倦轍老南北浮名慕庾徐夕風
維旅艦曉月上行車哀樂情相並馳驅願豈拋秋先到蒲柳分
台隱樵漁甫覺星星長還思一一除怕成翁意態頻對鏡躊躇
拔白尋丹笈零霜付短梳添莖從聽雨滋蔓爲耽書友勸吟休
苦醫言藥療虛黃精登服餌萊菔戒盤蔬祇是珍皮殼何曾悟
几遽放情聊命酒至樂且觀魚一任啼鶯禿從看積雪如後生
休指笑老輩漸推余

沈文學子乘雨過訪卽送歸吳淞

過江風雨太蕭森，尚泊孤舟遠見尋。
高興不隨雙鬢減，相思真慰十年深。
擬從向朗讐群籍，堪與陶潛寫素心。
此去三吳秋正好，疏荷倦柳起長吟。

將往江寧留寄金樓亭

西風太劇酒初停，日向燈前感鬢星。
握手暮春三載別，卸帆江界萬山青。
談詩碎月穿蘿逕，點拍疏花墮石屏。
料得自憐還念我，曉烟涼露動征軫。

留別蔣舍人春農時春農將往邗江

過眼流光竹箭馳，兩看圓月到殘時。
江山絕勝同登覽，風物新秋有別離。
野寺鐘聲人去早，夕津帆影客歸遲。
與君各是爲形役，南北何須歎路歧。

秋熱

方暑暑不來處暑暑不去天時有遷變候過乃償數寂坐汗自
傾揮扇日難度安能走長衢訪我舊知故所居况卑隘蒸濕動
檻柱鼃蝨馳介裙蚊蚋搖足殊撲除通晝夜展轉對燈炷旅人
與客嗟隣叟勤告諭子昨初來時狂雨挾飈怒平地起驚漲緣
牆折高樹涼氣催掩戶宵分爭擁絮茫茫感秋心悄悄爲魚懼
幸今天融融空碧掃霾霧歌聲出里巷歡笑動婦孺農人放積
潦樵子覓乾路子胡重歎爲憂樂味所務秋熱如春寒強弩末
難固清風有時來垂垂下白露聊當忍須臾看月挂煙素

姑孰道中

老樹垂垂秀江臯復此行三年青鬢改兩岸亂蟬鳴慈姥磯艱
險桓公井濁清遐思重遊覽賡續舊吟情

慈湖道中

十里慈湖路煙中度筍輿江山欺客老雲樹入秋疏曉市分紅
柿迴溪網白魚前塵一回首風物尚南徐

秋別曲

藕花牒子尖兩頭青煙碎織南塘秋芳樽濁醕不成醉行人惆
悵歸人愁蟬吟蕭蕭隱深翠落日微茫照衣袂野水無邊雁拍
空此身擬到天窮際年年爲客盡冬春在家迫促辭家頻垂楊
未老湘蘭瘦如此風光惱殺人

客夜

涼風起秋夜客子抱冬心窗白戀殘月蟲悽無緩吟求名生積
悔繞樹感驚禽耿耿天方曙鄉園夢轉侵

隨園讌集同人分體賦詩得七古一首

三年不踏隨園路自笑浮踪如墜絮秋草秋花護短垣故人宛

在花深處看花邀約衆賓來指點紅蕖赤桂開犀角長髯紛入
座江南江北信多才茲圓占勝原無兩排拓能令倍幽敞穿竹
人隨鶴步停登山展腰樵風響謝公墩接小倉山下下高高任
往還舊種短松青出屋新開止水碧成灣灣環承抱長林靜幾
點飛鴉度溪暝樺柳初黃月有痕蘭煙欲暮峯垂影主人張席
散華燈火樹枝枝映玉繩倒轉亭心作池底盡舉花影上高層
池光花氣爭繁縷如此佳時行樂好二十年來緬舊遊坐中我
與君皆老老態疏狂興轉妍花前吸盡酒盈船擬裁康樂遊山
句試仿蘭亭片石鐫

銀山禪院卽事書懷三首

夏山無際樹陰長閑掃松花卧石牀門對江光引帆影柳梳風
岸見迴塘晨鐘動牖竇侵枕曲徑通巖磔落香圖史滿前琴納

解回頭塵土在襟裳

夜境寥寥萬壑清
疏燈斜映半龕明
月銜山影連庭影
風挾濤聲作樹聲
絡角花枝圓露井
逡巡杯酒近書城
鄉心不逐涼颿起
一任秋蟲拂戶鳴

曾擬龍門百尺柯
年來風蔓引蒼蘿
韓昭鞭線零星久
王遠屏風屈曲多
倦倚樓頭窺鏡匣
仰看秋影動星河
江鄉豈少樵耕地
自逐勞薪可奈何

鶴林寺

卯金遺事鶴翎黃
霸業荒蕪一草堂
染就衣雲散虛白
招來海月放清光
欲尋米石苔深黦
閑誦坡詩句老蒼
僧衲可能容久住
翠簷簾裏縛藤牀

鶴林寺讀冢南坡兄詩碑次韻却寄二首

渺渺連疇綠稻田淙淙遶寺過流泉客來小院松陰午鐘起西
廊夕照偏別蘚碑吟雙律穩煮茶僧話老兄賢故應容我揩禪
壁也證雲堂一宿緣

廣廈千間食萬鍾晚依禪悅且爲恭杜鵑啼處花無跡翔雁來
時雪有蹤蕉鹿世緣參北叟風泉清話付南宗從教吟徧池塘
草未敵山僧學種松

瘞鶴銘歌

松毛脫翠蕉剥膚殿廊射日明金樞有字落落光塗塗上承雲
蓋下環趺珍禽羽化仙所痛元黃幣裹當匣襦垂文聊代涕沾
濡乘龍而來以馬瘡荆門邈接華亭隅波磔缺失藹謝萼尙作
稱戈比干及體近晉宋非唐模訪觀眼障去膜矜吳興小兒貌
不都安能寫此鸞鳳雛援据舊館終厚誣或疑右軍疑顧逋棗

華赤海競測暮歲持綿綿歷姬茶誰能證實徵虛無惟應鶴魂
歸夕哺下視銘在人則徂悲鳴踟躕天衢滄洲嗜奇歐趙徒
長絙力挽臺隸呼貞珉湧現排青芙聯衆爲一若合符取真別
質交列臚幕以蜀錦番氍毹三幘坐鎮依苾芻當年水涸山骨
枯仰拓面受松煙污寒湍齧足葉覆顱摸棱不憚手瘃瘡奇士
往往輕艱虞搜一字得千盧胡巨龜垂涎目睢盱幸不澤吻及
腐儒冥默定有奇相扶易頗爲平功絕殊氈椎敲擊來凡夫本
無多字球琳映日皎月削良可吁石鼓零落同老癯吳季札墓
瑕掩瑜何況响樓沈幽蕪此石寧保千金軀吾儕年壽弱草煦
殘不恤緯爲周杆又憐蛟龍識字龜失寶勿覺何其愚終防扶
脉窮根株攫取自照明月珠昔賢作勞瘡垂謨坐享厥利歸今
吾試搗兩本裝單舫西家顰施東蹙嫖鐵網何必皆珊瑚歸時

花前倚窗遑揮螭蛉筆拂硯蜍勿嫌空腹如剗瓠虛中裸外乃
足娛金薤石墨閒闕闕更展四幅張昭圖

不寐

滾滾秋聲走大江疏疏斜月耿山窗偶成鄉夢憐偏短倏起棲
鳥定不雙壁暗饑鼯生衆響風悲老樹振空腔挑燈起對殘書
卷未到僧鐘第一撞

招隱寺

寺掩斜陽裏千林一嶂分泉清含宿雨窗冷納歸雲老桂同松
貌孤僧友鹿群昭明書石在拂拭繡苔紋

寄懷楊二鑑堂漢上

如翦霜風漸逼人何因久滯楚江濱衰年尙抱勞薪感暮雨宜
驚獨客神每對郵書頻致嘅但成歸計莫憂貧白雲社裏黃花

晚昔賞新遊負幾巡

辭家杜宇旋催歸又值千山木葉飛出岫孤雲憐澹蕩行空天
馬受韁轡安心有術身應健滿腹無多願尙違鍛翮故交情緒
惡期君全懌昨來非

抵淮寄家兄邗上

纔及鄉園歲已闌行衣披拂雪霜殘經時小別情懷惡兩地關
心去住難近市河魚留客饌當階臘樹破春寒東風又擬催征
棹煖席何曾冀少安

聞胡半山自楚歸廣陵寄懷三十韻兼報去秋詩札

一水通江漢孤帆乍返時秋風爲客久暮雨到家遲老屋塵應
掃齋廚甑試炊米鹽陵維甚賓從笑談宜舊燕營殘壘新梅長
故枝年光春正滿生理餐成絲轉憶飄零日翻多歷覽奇閑過

鹿門寺遙醺屈原祠停舶傳哀笛捫苔讀斷碑驚從西塞隱魚
自武昌貽故舊逢楊叟琴尊伴旅帷卮言銷刻漏狂論動鬚眉
疊嶂連行履疏簾對弈棋歸雲憐澹蕩墜葉共悽其白髮迴船
早青衫別淚垂鑑堂以十般勤付書卷問訊到茅茨我昨趨南
國從秋緬憂期潮聲瓜步暗柳色白門衰覽古情遙集論文數
最奇歸航從汎泊倦羽獨差池老友扶筇至開緘讀子詩格高
聲自健意到筆俱隨慷慨嗟滄倒纏綿訴別離挑燈同擊節把
酒起遐思楚俗原多獷高才歎久羈清禽怨楊柳幽夢寄江蘼
遊子今還里衡門豈樂飢貧難爲去住境每雜欣悲邗水風兼
浪雷塘草又滋繁華容冷客煙露琢春詞亦擬承輕舫相將倒
接離晴花竹西路沾酒趁青旗

補屋

行役兩可悲學廢家事荒歸來謀卒歲覲覲勞行藏老屋數十
椽與我同頽唐仰視雨漏痕側見鼠穴光墮瓦塞罅井澁塵冒
空梁塊然處其中意境增悲涼乘春稍補葺命匠升垣墻殘蘿
掃故綠破壁塗新黃早燕亦營巢來去泥水旁細懷甕牖賢寂
處神揚揚內薄斯外飾默揣多慙惶聊掩俗人目頗爲妻子臧
駟書

鹿鹿從制科計與讀書左牙籤三萬軸盡遣高閣鎖朝來啟書
室始復見故我餓人對長筵侈意過頤朶蠹蝕吁可傷况乃殘
缺夥稍稍整錄目一一事堆垛安能待秋期陳曝雜瓜瓠破門
架竹樞鱗次布帖妥曉風吹翩翩晴日照嫫媿時取一編讀信
意置否可涉淺見幽深識大畧叢脞吾生誠有涯歲月駛箭筈
安得謝塵緣十年此中坐

憫女

年來頻悼殤尙屬在家時一女及秋亡值我試省聞炎風仲夏
月女病已貼危制痛出門去掉首不忍回客夢雜凶吉曉夕空
然疑杪秋獲家書蕙草嗟已萎經時勞瘁餘復此益深悲神枯
不能淚中心泣濯濯爾命太局促令我何情歸歸來小房攏却
憶拍手嬉汝母面顰瘦語及輒涕洟俯仰無一歡吾生信何爲
不堪訪孤墳寒棘生離離

種蘭

東風梅信遲籬落殘雪凍野人獻叢蘭綠箭浮錯綜愛茲秀離
披索取山土壠瓦盆爲護持拳石與彌縫西窗灑微雨斐几列
新供隨意花分數有時香鄭重當年屈大夫懷抱澹相共奚爲
註騷人辨論交一閱與花結幽期清露入疏夢

送澹亭姪應禮部試二首

晴沙一片繞長淮，相送河堤強執杯。
秋柳吟帆懷白下，春衫行色上金臺。
名高射策人應羨，親老關山首重回。
官職軒榮鄉井好，期君釋褐早歸來。

卅年衰颯歎吾宗，羨爾寒潭起卧龍。
已見霜華集鬢髮，却憐歲晚得遭逢。
詩書味雋同清賞，漁釣心孤守故蹤。
日下交游如問訊，應言癡叔久龍鐘。

次韻酬曹劔亭太史見贈四首

握手雜悲喜，君今病果除。
經時感離別，昨歲斷音書。
冷意謝華綬，遙情慕古漁。
憑欄一樽酒，花影度徐徐。

名已清銜挂，年將壯歲過。
心情託書卷，風物老煙蘿。
悟徹人間世，聊爲勞者歌。
蕭蕭禪悅意，潭欲問維摩。

等是爲形役飄零爾最難家貧餽食指雨細渡江千阻勉馳驅
事蹉跎歲月闌空餘冰雪抱相對證清寒

夕日照離袂送君邗上遊芳時過正夏細草綠中洲未罄別來
語相望天際頭前期眇何許紅桂白門秋

儲丈茗坡挽詞四首

時卒於新安學署

一櫛聞傳訃層冰九夏寒古懷今寂寞吾道益艱難二頃田何
在諸孤淚不乾連宵頻有夢夢輒到新安

墨瀋爛熳甚愁看近寄書心情初減病潦倒酷憐余乞假歸期
近甘貧晚計疏歡然定相見茲語遂成虛

十七年前事攤書白下門秋燈花黯澹健翮雪飛翻業豈儒冠
誤官惟冷署存青氈定何物天各若瓊璫

刻意耽群籍浸淫類老蠅杜陵憐太瘦李廣竟難堪纂述平生

志廉清衆口談何因作歸計旅觀尙天南

八月朔日隨園卽席贈尹似村奉我兩公子

木犀香近石闌干翠甃筵中見二難清彩夜潭呈皓月春風素
沼拂紅蘭情疏七葉金貂盛吟對千林夕雨寒欸欸相逢還惜
別柳煙深處促雕鞍

錦樹園林雁到初雙珠流照小亭虛香奩澹墨宜同詠霧夕紅

蕖悵獨居

八公子尙未
婚故戲及之

文雅特高諸戚里風流還似老尙書席

間才士何曾少比校丰神總不如

轉運使雅雨先生招集三賢祠看桂花同限秋字

歸裝欲上水雲舟還爲招攜盡日留溪鳥翔隨雙棹緩木犀香

領一庭秋談詩坐促同呼酒感舊人來獨倚樓

祠爲先從伯
文篠園故址漫

對芳祠懷往昔使君端不讓風流

趙丈端木挽詞

冷署微官三日期

時卒於丹徒學舍受篆纔三日

竟隨冬草著霜萎書生薄命

憐伊甚江上招魂醉酒遲爲我評文餘墨潘尙留殘稿說風詩

君著詩成甫

名場晚達成何益空使時流誚橘皮

殘炙餘羹歎寓公春明學解舊過從翻緣善病期延算自喜荒
衙稱養慵塵土忽醒千載夢絃歌空憶六時蹤門生故友頻揮
涕南望寒雲結幾重

初寒同穀原主事春農舍人家兄蓴江作分得肴韻

曉角寒聲重元冬候漸交霜華墮庭影風意翦林梢擁褐垂簾
坐拈題袖手敲誰能待深夕亭午想樽匏

冬日淮水舟中作

歲晚翻行役浮生事可知枯容存岸柳寒影冒空陂風疾帆行

健冰生溜響遲水部門閉早迎客少青旗

寄懷商太守寶意

子城環匝劒峯齊五馬何由騁玉蹄
青草瘴深行散數魚天浪黑寄書迷
吏傳星檄通苗界鳥踏山花墜毒溪
違道衰年宦游倦定思懷綬把耕犁

柬張漁川

聞道張居士鍵關拒客深逃名嘉酒德
繕性悟書淫雪意侵窗竹茶香動晚吟
可能容過訪翦燭對插琴

柬易松滋

憐君貧且病跡未謝羈塵卷軸存孤賞
冠裳禮俗人圍荒除架懶樹老得花新
寂寂垂簾坐枯碁半劫因

贈孫石芝處士

傷足卧經年神專服氣全腹中書襲積枕上句精研拯世惟憑
藥藏名不墮禪行將理春棹歸飲故山泉

次韻寄答劉官坊印于

如雨秋聲落葉頻遙傳錦字一編新似憐散木難施斲尚許乘
槎重問津意外枯榮參定理年來進退惜茲身途窮肯抱無端
憾裁玉量珠況有人

衆美堂前獨目成感恩豈獨戀微名龍門士望元推李刁斗軍
聲漫說程身賤久甘爲世棄公知端不受人輕劇慚未擅凌雲
賦東馬嚴徐詎敢并

自邗上將赴姑孰疊前韻再寄印于官坊

竹西斜照倦遊頻雁渚蒼涼燕壘新欲去雲山誰是主久留煙
水怕迷津春花到眼憐浮蕊雪柏連階闕健身且辨輕裝指江

界雨燈風夕傍伊人

四十頭顱學未成此生翻愧負聲名
枳從橘化非前度紫結萍
因是近程庚癸計疏家累迫難蟲喻
切衆緣輕可能紫芋紅薑
畔秉耒橫經論說并

廣陵寒夜書懷六十韻

江北繁華地天涯落魄身一枝欣有託
百感頓教新青紵袍如
昨丹砂術豈神餘冬黃卷味未老白頭人
早歲尋繆軸孤懷越
等倫龍蟠繁露字鸞翥草元晨禮圓閒馳驟
經腴恣討論激騷
時挖雅銘座或書紳目笑群流俗心期古哲親
望洋誇海若乘
筏問天津寒水珉磨瑩秋汀芷佩紉世從輕
驥驟情每狎厖麇
謬聘雲霄思羞爲隴畝民舞低吳袖窄眉效越
溪顰刻楮難成
葉鏤冰欲待春幾曾嗤坦率已足飽風塵
野戍鳴笳晚檀林法

鼓震旅眠驚夕枕吟館雜霜蟬孰解金龜脂空勞腐鼠瞋田荒
遺稗熟籠密繫禽馴藥澁治龜手琴還抵藥薪甯中稱佼佼衆
裏祇收收漸訝囊錢澁旋看羅雀陵才難問生塵氣不識金銀
冷煖煩調護悲愉費治釣管絃尊下里禴祀閑西隣繞指柔何
益吞丹氣益振殘編雞肋在家學鳳毛珍散處憐鴻序追隨比
雁臣論年俱老大更事極艱辛共植田家樹同烹陸氏蓴鵝鵠
原密邇梨棗意平均雪淺庭梅小香清臘醞醇歌喉聽一串弈
旨關干巡郡擅魚鹽利風無懷葛淳高門棄粱肉隙地布荆榛
裸園衣宜租狂泉飲必煩浮雲蒼狗態風絮雨萍因杜牧遊偏
數歐公跡未湮遠峯低飲黛凍草細鋪茵錦靶馳雲騎貂茸掩
玉輪唐裝爭吐艷隋苑不飛燐柘鼓圓隨節鵝笙暖壓唇酒闌
餘翠卸夢去落花勻獨有深居客能參萬象泯星回躔次肅夜

永性情真展冊窺今古澄思遠盪眼滯長燈滅燄巷僻大消信
身瘦嫌裘重爐深覺火堙境從耽寂寞相豈合艱屯青丙遙難
問紅埃鬱不伸朝榮推粉檣老壽想靈椿身世成樗散行藏慕
隱淪三間五架屋近郭近城闌倦柳圍煙港疏篁遠露响溪流
雲屈曲山拔樹嶙峋攀磴扶鳩杖臨溪岸鹿巾自開池上酌靜
引月中綸遣子勤鋤既看妻事組紉瘞生期寡過晚景庶堪循

詩餘
鮑魚歌

春江澹織松文綾漁人設網先祭烝鮪魚隊逐夜潮上搖動海
月圓生梭橫江突取最前輩駢頭接項歸煙罾可憐惜鱗勝惜
命縮伏不類常魚騰小舸艚疾渡楊子罕物合向揚州矜萬錢
庖廚特珍餽中人之產價倍增吾儕采頤伺市賤耀眼忽向朝
盤登魴身鱗尾好畫甲紺碧色似沾苔冰雖然多骨不足恨風

味正敵南豐曾爾時新花綻焚犀油窗羅幕開層層貓頭筍雜
索郎酒椰杯螺盞交引捫生平奔走爲口腹異物入饌分淄澠
松陵丙穴等閑耳此視彼若曹邾滕定呼玳柱作儔侶肯與鮑
肆充疑丞昨者遨遊向姑孰故人亟勸餐河豚小桃繁紅照四
座犀箸欲下情兢兢覓橄欖汁顧僮僕怕浮塵撲視梁藁同時
饜飫二三子何異刎頸爲交朋李貓有毒勿深近齊侯在莒宜
終懲醇疵隱士況多謂白圭夫子寧同稱溫風暖節六十日但
有可嗜無可憎紅糟頓思貯吳缶丹荔何事飛南嶽試烹龍團
滌牙齒不用櫻顆羞頻仍閑尋鮓帖自臨寫鼠鬚散卓揮溪簾
兒曹尙學越女樣編取碎雪窺銅菱

題汪對琴後談藝圖

作詩貴異不貴同意到各自開鴻濛惟求一是毋亂訂如江河

漢齊朝宗無爲樹幟爭擊攻奪彼所尙使我從當年何李角兩
雄宜欲追配浣花翁下視餘子皆蠅螭佼佼獨立維迪功雅瑟
戛奏排鼓鐘西原叔嗣澹以冲遙相映帶盡秀峯牧翁漁洋論
不公私其鄉人服偏衷吾子雅抱參天工窺圖乃見意所崇五
言泠泠拂孤桐碧月在水光玲瓏特出意匠非襲蒙欲談且止
瞻遙鴻數年春明走飛蓬霜圍古屋雪點濃孤吟絕似號寒蟲
何人剝啄舉簾櫳南鴈羣寫清若空湖翻舌本義不窮忘言日
午搜書筒不用堅白誇雕龍我論詩如貯藥籠溫涼毒苦悉有
庸春蘭秋菊別一叢采掇自醺同遊蜂毋襲其貌神不充惟君
與我投鍼鋒惜哉易別稀相逢抱書有願爲花農角韻鬪句堪
駢蹤曷不寫我歸圖中拂髯相對吟疏風

和吳竹嶼泛舟紅橋長歌

芍藥殿春春不去廣陵四月煙光曙遊子相逢引興豪烏篷船
指紅橋路我是邗江久住人爲君發興賞偏新山川窈窕露眞
態樓臺鬱律含孤雲坐中吳君有遊癖黃海天台頻蠟屐把火
遙探古洞春綠繩直上參天壁由來觀海難爲水此地寧誇邱
壑美况復塗脂拂粉妝軒渠料爾應寒齒吳君搖手瞋我錯一
擲嘗米都不惡冷淡繁華各有宜底須軒軒爭評泊君不見京
華昨夢軟紅多每憶江南喚奈何此遊此景豈易得况對舊雨
成高歌又不見前夕快晴今夜雨幽尋險爲衝泥阻去日匆匆
不可留急宜秉燭招遊侶我聞此語倏起舞大匏淺杓亟量取
快意居然在阿堵秋來定喚江頭舫直抵金閭造君壑洞庭兩
崦青如許莫對杞薛謝齊魯溪花茸茸霜月吐與君老作湖山

運使雅雨先生招集三賢祠瑞芳亭看芍藥得絕句五首
荆地安亭記去年木犀香散早秋天憑欄忽訝花如海纔墜新
根態已妍

玉盤金帶漫爭奇並蒂還舒品字枝好錫頭銜加九命不徒標
榜托風詩

兩使君來作賓主

時江鎮觀察
錢公同集

一雙清節映槐廳花呈異本非

無故要與韓陳繼典型

風來綠畝吹香錦吟對紅雲炤晚霞更藉錢塘老尊宿說經緯

縷代判花

謂董浦
太史

名葩也自憐風雅傍砌翻階出格新看取酒邊燈火映座無一
客不詩人

勉行堂詩集卷十三

古欽 程晉芳 魚門

涉江後集

起辛巳五月
盡壬午一年

送守恬姪觀察荆南

荆門遙控蜀江湄五郡官寮秉教規壯歲功名真磊落生平謙
謹信摯持揚聲終仰先人澤顧影彌慚爾叔疑明月樓頭楚天
濶好憑南雁說相思

徐厚菴招集水東小圃卽事四首

出郭濕雲暗沿堤新水流不辭沾袂雨同上看山樓斜日忽開
照溪風冷欲秋煩襟頓消釋清語共冰旣
凝綠三篙水飄紅六枳籬主人偏愛客斗室坐圍棋岸東池痕
瘦苔縈石壁垂精心營構處一一爲催詩

小艇連長舫前溪溯近村晴花隨緩棹新月對開門渺渺銀塘
夕依依玉醕樽相將起爲壽不止說天孫時春補六兄將慶三十初度故戲及之
石芝舒曉艷瑞色動林泉比似宜男草應成種玉田衣師他日
秀佳話此時傳豪飲寧辭數重來菊定妍

建隆寺懷古同杭堇浦太史作兼示夢因長老

建隆禪刹宋初置寺額猶存紀年例樹老因芽八百秋經傳白
法三乘義迎涼客愛拓軒寬覽古心驚陳蹟異雕青滿臂皇帝
甥似舅分明說無忌鬱金繖已痛橋陵柘黃衣遂加同輩勉修
司馬記室牋忍檢金塗鐵鑄字卧榻休教久晏眠青州聊遣依
從事田橫倔強薄封侯黥布咆哮欲爲帝遂令此地六軍屯蛇
櫛龍鋒軒勇氣可憐國步發新例絕代繁華禦精銳赤燄匆匆
盡黑王餘骨難分五侯利從來懺劫賴毘伽寶所栽栽高佛壽

或言節度本不死滅度江州祖其背覆巢完卵太荒唐未若圭
齋裁傳記不見燭光蕭蕭谷劃地拱手河山歸介弟殘臘俄更
興國年夕陽尚掛邦江寺御榻何時踪跡空真容異代倉皇際
此寺頽唐廿載前破椽飄瓦西風厲感夢初驚居士魂跳梁忽
假狐鳴隊黃曉峯居士感諸
靈異重葺此寺須知佛亦厭卑棲何況浮塵奪壇
幟卽看堦面湧初蓮蹲鳳盤獅示遊戲鱗鱗碧瓦對天寧戛戛
遙鐘答禪智月走珠盤殿脚圓雲垂蜀葉蕃書麗往來憑弔摠
徒然寺闕遊人人闕世不如揮塵對高僧披拂吟箋雨花膩

重寓銀山禪院作示五雲長老二首

午風茶板又今年桑下人來證昔緣掃却白雲安藥裏放開青
眼對江天巢痕綠待銜泥燕駒隙馳如下瀨船深愧山僧相勞
苦黃塵席帽故依然

片雨東林訪導師江波如繡落帆遲關門洗足浮塵滅煨芋然
柴暮色宜涼鷺靜同千里夢小松青出二年枝焦崑欲去還停
棹試待潮平月上時

秋日漫興

火老金柔序又更臨風稍覺葛衣輕卷舒涼雨蕉窗暗吐納晴
雲菌閣明雁語旋驚鄉夢覺鬢絲將鬪曉霜清年來終藉毘伽
力粥鼓聲中百感平

八月十六日夜雨霽對月

三年客裏中秋月兩次雲遮一度圓已過佳時仍皓色剛逢望
夕展清蹕江波極目澄千里鄉國回頭近北邊燭灺更闌堅坐
久免教孤映不成眠

汪祚浦挽詞

始孰昔遊邦水譙五年彈指一悽然燈搖雪穗閑呼酒硯拂紅
絲共搗箋事去浮雲飄粉紫悲來寒雨濕江天他時茶茄魚標
裏忍上橋西弄笛船

江聲三首

江聲鳴靜夜撫枕聽淙淙氣盛防崩岸風驅屢撼窗魚龍起惆
悵星斗入春撞客子雄心在真思吸老龍

趨趕馳萬馬潮怒不輕廻情定含霜駛圓應傍月來直從巴峽
裏流到楚山隈中有英雄恨秋深倍愴哀
積勢併趨東堂堂震鼓鐘地維撼振刷天籟助春容密響時兼
雨飛濤欲亂松提袞耿無寐鄉夢續何從

自京口赴秣陵作

聽盡沿流唱櫓聲又持襆被赴江城新鴻舊燕同來去赤日繁

霜管送迎歸計熟，籌行更遠寒邨小。
憩夢都清，回頭松際禪扉掩夕梵。
晨鐘倍繫情。

冬雨十二韻

小雪行將及，兼旬雨不休。
飈窗蕉罷響，罨岸柳低頭。
氣冷疑成霰，雲深漸失樓。
夜聽寒絮被曉對，擁青裘。
薤草綠堦綠，迴波入戶流。
菊收含露淺，楓減臥霜稠。
鴉隊慵無力，更聲急下籌。
衝簷同九夏，撼鐸儼三秋。
野老何曾歎，鄰人祇自謳。
幸時過刈穫，有喜潤來牟。
從此逢初白，毋煩祝滿篝。
旅情迷遠計，覓句緩離憂。

次韻酬梅隅菴贈別

已戒脂車相近垌，故人慷慨奏離聲。
摘文漫擬呈三殿，議禮終應愧二生。
墜葉閑催衝雨騎，促觴閒憶翦燈情。
江皋取次梅花白，時寫冬心寄客卿。

鑑堂招同人小集半雲樓卽席次舒懷明府登樓原韻二

首

欲別欣且住同登雨際樓客懷三盞醺僧樹六朝秋野馬憐馳
隙寒潮未放舟會看微雪霽清冷豁詩眸

談詩飲連雨話舊倚僧樓客恨寒天短風搖旅鬢秋易諧鷗鷺
性空憶水雲舟除却看山色何因慰兩眸

自金陵將之姑孰與鑑堂言別

祇知握手成狂喜誰料臨歧欲別難蕭寺停燈孤坐久客程驅
馬萬山寒何當聽雨晨昏共定取編詩反復看歸對鄉人語離
合酒邊休引百憂端

留東袁存齋時遊吳未返

羸驂欲發屢停機待取千山漾霽暉雲重預占來日雨神悽頻

祝故人歸橫塘船過簫聲細老圃煙稀芋葉肥孤負西窗剪明燭行行終覺寸心違

書柘坡集後二首

萬孝廉光泰字循初秀水人柘坡居士集其遺詩也

昔聞京邸隕才人

庚午夏余客京師聞孝廉已卒于燕林梁尚書家

忽忽經過二十春

憂玉冰函欣始覲披蘿山鬼恍相親嘔心長吉原妨命投筆文通定有神寒瘦從茲笑郊島琤琤清骨古無鄰

下拜憑拈一瓣虔敢論盧後較王前徑思發篋排羣稿

君有雜著十六

種未刻

深恨同時失比肩剥盡蕉心清見雪尋來石脈暗生泉詩

才絕世名灰冷修到梅花亦枉然

贈陳古漁

與子往還今五春子貧如故我貧新耽詩祇益頭先白賣藥偏逢手不龜莎徑綠環徵酒宅葦燈紅映掉船身閑思荷笠相從

去長向江湖號散人

金陵曉發

西風穩放一朝晴起整輕裝事曉行堤樹冷含霜後態礪泉清
瀉雨餘聲烟從沙鳥去邊白山向麥畦平處橫裴葛往還頻此
路廿年寒暑飽經更

途中經田家

淺淡雲橫小雪天幾家村落抱流泉方場貯稻何憂雨大甕醅
菹欲趁年終緯風聲鳴戶裏燒燈巫語拜神前人生識字空勞
攘悔不勤耕下潁田

次日寒甚漫成

瘦葉鳴乾風綫硬走孤驛并舍人晏眠而我起行役重裘厚覆
體茸帽低護額猶自不禁寒栗疹肌慄栗稍稍辨霽色四野同

一碧日出魚市紅霜濃林屋白探取懷中書數指不能直村醪
立飲盡溫氣達支腋

淖泥徑尺深失足戒所履與人俄一跌直下寒溪水槎枒賴老
樹車作驂絀止身爲綠毛鳳裊裊懸枝底僕前遽扶將亟遣援
溺起單衣已濕濕局縮誠骹骹取我氍毹裘裳覆彼孤露體小險
信可懲傾否詎云喜惟懷薪炭炙冀有邨廬抵遙遙指山莊復
越三十里

餘丹在楓柏冬月未逾孟如何氣慄冽似逼寒苦令至人守谷
神冷煥不爲病繫我柔脆姿久閱辛苦境有如煉藥物浸曝違
本性自然老態增安得初心定勞我以浮生造物且持柄聊隨
所遭值看山足高興

吳竹嶼招集聽雨棚同人分韻得以字

澄碧漲三篙。開園編六枳。寒蘭撲良辰。芳席對晴汜。于時春氣
遲。花事憐初起。梅英香一橋。絲柳覆層圮。主歡賓志愜。松籟清
入耳。憑欄眺衆峯。衣上嵐光紫。鸞環指眉月。迴映石齒齒。覽古
集遐情。選勝知有以。明當理游屐。登陟自茲始。還思聽雨眠。桐
戶翦燈蕊。

贈趙璞函十首

脫手詩從萬口傳。挑燈曾記賞名箋。夕陽江上梅如雪。一笑先
償鬪酒緣。

詩格近多隨手變。越波吳嶠共爭奇。已看造物雕鐫盡。鬢底青
鬢未染絲。

暮雨吹簫結響遲。錦鞋心事斷腸詞。藕花白近紅橋路。商調吟
成寄阿誰。

拍板初筵趁好春梅痕詩韻角清新他時重楫題襟集楚尾吳頭廿四人

聽雨棚邊修禊事好山明日約同登衣裳翠染嵐雪濕不覺身居最上層

柳花多處抱書眠殢酒懷人定惘然謂裕傳語吳郎真幸事險

將一炬付吟箋白華寓居金閨有回祿之驚出詩集於燼餘

莊生神骨如秋水策蹇閑衝嶺上雲孤月照人山店白徹宵清

話重思君容城道中遇虛庵同宿旅店言次每憶竹嶼及君

板橋柳色藏鴉碧紅雨桃花爛作堆等是忙人趁閑事小倉山

畔踏青來

裙屐風流我最知空梁落月寫相思老懷判得無端別怕見他人欲別時

簪井塵生思久枯
劇慚伸紙信鴉塗
簷簷小
院清無暑待咏龍
湫濯足圖

閑

匪歲勞勞竟日閑
柳風吹綠故松關
支頤酷戀繩牀穩
袖手慵拈竹管斑
羅藥氣通垂幕厚
選巢金帶片雲還
來朝又逐朱塵擾
覽鏡空驚顰瘦顏

書屋爲訟家所得漫成四首

久嗟老屋長蒿蓬
誰料全輸十畝宮
厦蔭千間徒結願
家餘四壁豈爲窮
綠天入夢縈書草
紅藥隨人散綺叢
月榭雲廊留賞處
從今拋却舊東風

上下書堂敞十楹
筆牀硯匣有餘清
曾經刻苦排千卷
肯羨崢嶸擁百城
燕去秋巢泥尚在
鴻翻雪爪跡都輕
劇慚營構辛勤

意回首當年淚雨橫

萬蔓龍蕒本接柯分枝別葉信如何葦間雁戶容鷗占花底蜂
衙任蝶過逋邑豈同虞芮訟割城翻似楚秦和不知塗暨垣墉
後可有幽光到薜蘿

拜書亭北桂館南昕夕朋來快盞簪花氣入簾通竹影酒香開
甕啟詩函東籬頓失陶家賞上座猶思謝客譚薄宦金華同梗
泛編茅何日老江潭

挽蕁江兄四首

失聲豈獨感人琴密雪零霜共素心太璞不雕真態露芳泉自
潔古懷深因予履境移悲喜忍見帷堂襲屨巾黃壤茫茫招不
得海山珎幸漫追尋

文章肯藉科名重鑿齒清聲四海傳百氏九家穿蠹稿戊籤甲

集剡新編燈篝未燼閑商確鉛筆猶存費討研收拾坐間題詠
句從今冷月過堦圓

灌園抱甕鬱孤情樹耳閑刪薤鶴翎花事慣持區酒綠草痕猶

敵紵衫青蕭晨風雨懷蘭友夕照丹黃坐葦汀爲報揚雲同一

哭

謂鑑堂

晚甘門巷忍重經

去者誰言日以疏迢迢百感集深居撫牀訣絕仍憂我入世沉
淪倍惜渠大木遽彫霜後幹諸孫猶擁課殘書殷勤一語重泉
慰編集銘旣盡屬余

上太保望山師二首次學使園山先生韻

幕府清風襲素襟拜塵重仰吉光臨十年種樹成陰晚三日爲
霖荷澤深經國久煩元老策讀書真見古人心嘉言諄復承衣
鉢更誦琅琅絃外音

集卷三
黃流一綫走巖關想像乘秋相度間跋浪巨鯨俱莫宅依人涼
鷺也分班芳船夜色臨淮浦紅樹吟情在攝山疎柳邗江暫遊
寓蠻牋細擘待公還

尹似村公子邀遊西園疊前韻二首

西園勝處一開襟曲曲紅闌面面臨桂露自流芳榭迴荷香未
退水塘深山川南國凌秋景花木平泉出世心步履巡廊凝佇
久嚙枝黃鳥送清音

射圃寬閑傍竹關

天書輝映翠微間

不繫舟扁土所賜

池連皓月成雙璧鶴引浮鷗共一

班秋響漸傳涼夜雨詩懷半在夕陽山雅遊况對佳公子茗飲
留連未忍還

白沙留別家兄南陂四首

衰門凋宿望碩果幸留君熟識三朝事深研六籍文枝津綿正
派片雨出高雲視我情尤重秋汀整雁羣

淮海論功日曹司著望時斲輪今袖手列面舊施眉獨斷羣流
服深思素髮垂漢庭推舊績肅肅想威儀

江潯宜息老客至罷衣冠禦疾唯須藥披吟正倚欄塵緣哀樂
寫法酒歲時寬止水蘆根碧扶孫試釣竿

頻來欣握手我亦髭添銀別遠秋光老官微白屋貧蒼茫千里
道鄭重百年身時和法曹句緘題付錦鱗

金棕亭招同人小集分韻得心字

良月天宇和霜葉紛染林故人惜分攜朋集欣盍簪粉壁剝苔
綠拳枝嘯孤禽鱗雲淡以疎覆此蘆屋深聚散未可期且復爲
清斟白波卷若雨積藪排如岑江南煙水鄉風尚窮探尋漁兄

雜樵弟泉石盟初心此境良獨難夕月窺離襟各各爲饑驅寧
論浮與沈谷音矢素志清夢依寒薄

寄懷方竹樓

雁足燈明映故書冬齋遙憶賦閒居懷人坐對楓林雨沽酒行
烹柳市魚南部傳歌同綺席北風吹雪上征車邗江留滯頻搔
首不及浮鷗縱所如

題李道南斷鋏吟後

孤子捧遺篋淚筋垂泫泫爲問何以悲中有斷折鋏慈母勵冰
節作苦力所任書燈影羅羅課誦兼組紉孤子百結衣慈母三
冬心餘力給口食數指成縑紵缺月入破牖酸風振寒林持此
一寸鐵挫彼歲月深遂令藕孔銛委折同廢鐔孤子幸成名母
氏幽泉沈零星共殘線宛爾手澤侵薄俗鮮樹立起靡煩規箴

局聽斷鍼吟甘節垂吉金

奉送運使雅雨先生告歸卽次留別原韻

乞休真荷

聖明憐應爲勤宣力最偏治賦歲凡輪十道杖朝人已過三年
溪山佳處宜調疾名字閒來號信天公望公才本難並收身况
與璧同全

垂柳垂楊拂漕河旗亭是處譜新歌酒邊才士揮雪紙花底伶
工舞繡紉上巳蘭舟前度勝東門祖帳此時多朝端簪笏推名
輩聲價依然在翠蘿

公歸花鳥亦增愁無計留公勸且留試詠芳梅倚官閣漫催畫
鷁及深秋木犀接塢排丹粟紅蕖連房立綠頭處處都經遊賞
徧不應容易別揚州

紀羣家世接清門末座摘詞荷賞存豪筆行將趨

禁省抽簪剛直返林園南榮詒舊三盃暖鄉老傳經兩塾尊他
日輕帆溯安德賓鴻猶訴稻粱恩

留別老友鑑堂卽次見贈原韻

鞭絲遙指鳳凰城石友驚心攬轡衡老去情懷誰倚托多年煙
月共經營拊肩吉語駢蕃祝入手新卮激灑明生恐含辛類兒
女依然雪涕灑初程

鏡湖晴颺柳絲風少日辭家老作翁不繫舟原同泛梗無絃琴
亦韻孤桐賞心自具驪黃外抱獨誰憐冰雪裏想像菰蘆最深
處夜涼弔影有樓鴻

十丈東華踏軟塵依然清夢接儕倫江南已少立錐地塞北空
驚聽雨神仕宦易教書史廢規箴彌見性情真前期難定勤餐

飯留得他時會合身

揮袂邦溝別恨將又從徐浦答篇章歲闌人意偏思遠鬢短余
心豈得長菊圃好滋三徑露松身穩護九秋霜破除煩惱憑經
卷重蕪維摩丈室香

留別袁明府簡齋卽次見贈原韻

風催征幔葉飄聞人似林禽相背飛刺刺語言臨別見番番遊
賞自今稀熟循鬢髮吳霜點暢好溪山釣侶連他日江南寄雙
鯉開緘應是寄當歸

桑下猶堪証夙因况從廿載溯交親山眉點黛迎新月柳帳如
烟送去春奉母每分留客饌剪燈平坐選吟身知君後夜長安
夢除我何曾夢別人

渡江帆帶片雲遙渾水情深怨豈消

存齋與予攝山言別閱一
月復渡江至邦上相送

南去松煙圍古屋北來霜影上豐貂何當展響通三徑重倚樵
風話六朝認取攝山彈淚處綠痕憔悴到蘭蕭

仕隱俱深出世情陽關偏遣恨人聽離懷耿耿宵難寐枯柳行
行眼忽青好著丹鉛銷寸暑愧無文字報
彤廷此身珍重臨歧囑地北天南兩客星

淮上與親友別

中年倦行役復此去鄉關寒影易傷別浮生難得閑攬袂勞折
柳席帽又看山倘似巢林鳥翮飛有日還

途中送雁

一行遙起塞雲孤回首長天漸欲無暖景多應就南國旅情何
計訴征途啄來香稻叢叢碧飛處紅霞寸寸鋪我有江干老兄
弟可能戢影共菰蘆

車中作

四更村柝尚呼嚴攬轡牽襟覆帽簷墜月似追雙轉轂繁霜難
障一重簾深藏頗似房櫺閉壯往寧符興衛占歷碌聲中雞唱
急不知經過幾郵籤

紅花埠雪霽曉行

凍雲推日上徐徐四野瑤花藻碧虛逐隊鴉投沙際岸裊風烟
起草間廬馬頭山色開東郡衣上冰枝墮軟輿擬上天公牋滿
願快晴祇放一旬餘

渡沂水

撲馬黃塵滿驅車更渡河沙虛過橋險樹老得烟和童子傲傲
舞與人緩緩歌捶鞭試冰面瑩若鏡新磨

蒙陰道中夜行

冬林無綴葉凍壑息鳴湍落日客多畏空山晚更寒冰堅防折
軸村遠急催鞍小憇仍須起當頭月未闌

重題羊流店

羊公祠下路重到十三年燈影照雪壁碑陰積薜蘿山雲衣上
滿客鬢鏡中憐涉世誠無補低頭愧古賢

渡汶水

昔賢思避地終古汎崇瀾隄遠樹陰直馬鳴風力酸論錢三老
數浣手一襟寒彩翠層層起遙瞻泰岱巒

途次懷人詩十二首

袁江寧簡齋

三宿郵亭再夢君不知何事悵輕分自淮抵徐夢簡齋者再失羣漫擬空
羣驥出岫終憐駐岫雲吳下輕舟凌暮靄燕南薄酒對斜曛還

思遠室梅花白茶鼎香清自勘文

楊居士鑑堂

西風薤露送吟暉臨水登山袂又揮重契徒言托生死微官豈
爲慕輕肥千林落木行偏早一念新羅願已違我得早休君未
老定將談笑解愁圍

史廣文梧岡

智度微言閑曉參脫將青綬名藍梅花王是知心友秋水篇
供哆口談弄墨孫能窺畫本煮茶僮亦掌詩函施錢貸藥歸來
晚燕子紅衿共一龕

李太史芋圃

年來踪跡如相避衣食驅人不自由嫁女歸來繞書閣探山倦
後引漁舟絳帷遙映蓮花阜

時爲六安山長

雪袂重經易水流頗憶珠

湖舊遊賞竊脂啼遍柳風柔

吳廣文山夫

雪屋寒瓊坐冷官蹴蔬羊定訴辛酸魯魚譌字燈前校漢晉高
文筆底攢能使豪人尊宿學祇今淮水避騷壇秫田二頃經營
就終與先生賦考槃

曹彭澤抑堂

宦海餘生病後身十年重覲倍淒神芳巢縱換非堅壘予與抑
堂別值
其移石友相依得近鄰謂湖
亭彭澤休官成故事白門沽酒是前
塵與君同抱無兒感不獨探囊一例貧

蔣前輩春農

淮遊何日返江鄉翫饌情懷醉幾場賣宅爲予揮急淚典衣因
爾折柔腸空倉久缺長腰米名帖仍裝古錦囊小鏡宜鑄利孫

子北堂行樂未渠決

杭太史重圖

總宜船載蜜梅黃少別江橋返古杭
餞歲食單增小品殢人棋局過三商
漁師欸戶輸新稅書客談經列下堂
謾訝垢衣工笑罵世間誰復得臣狂

尹公子似村

鈴閣朝寒下錦簾趨庭禮罷課尤嚴
乾皴學畫排長紙淡墨懷人付小奩
秋草閑亭共杯酒霜溪斜月數郵籤
春明握手諸昆在爲說耽吟興更添

家綿莊先生

矻矻窮經歲聿除衰齡誰與致儲胥
申公已受車中聘向栩偏教竈北居
寡女分營薪水供諸生畧記纂研餘
吾宗玉石原相

混誰識家珍在野廬

家南耕先生

淮水波明棹共移北風吹別恨依依編年有作追孫盛祭酒何
人拜杜微舊日諸侯勞短夢集中遊覽露真機璵璠文學高流
輩不改清時兩布衣

家上舍過亭

科第奚能輕重人劇憐廿載共艱辛力田未是逢年候搖筆偏
宜載酒晨鵲鳥媒稀終待字梅花氣冷旋開春阿兄相對龍池
夕遙話天南一愴神

勉行堂詩集卷十三終